

**HIMAYA YA MPAPU**

**BY**

**KIJANA RAMADHANI**

**2021-04-03990**

**WAHUSIKA**

CHIEF MGATE: Ni muhusika mkuu, bwana mwenye umri wa miaka (48-50) mwenye kiu ya maendeleo ndani ya himaya yake.

MALKIA CHESSE: Mwanamke kipenzi wa chief mgate, Mwenye umri wa miaka (35) Msaliti asiye muaminifu.

BWANA HONERO: Bwana mwenye umri wa miaka (50), mganga mkuu wa himaya, mshauri wa Chief mgate.

ZAKALIA: Chawa wa wazungu, mwenye umri wa miaka (30) Aliyejaa tamaa, mpenda rushwa, asiye na huruma.

JUSTIN: Mzungu mwenye Tamaa, mpenda rushwa, mwenye umri wa miaka (34)

CHRISTOPHER: Mzungu mwenye Tamaa, mpenda rushwa, mwenye Umri (36-37) mwenye Taaluma ya udaktari.

MAMA CHESSE: Mama mzazi wa malkia chesse, mwenye umri wa miaka (55) yupo upande wa chief mgate.

MAMA ZUBEDA: Mwana himaya ya Mpapu, mpenda maendeleo  
Mwenye umri wa miaka (30)

ZUBEDA: Binti ndani ya himaya ya Mpapu, mwenye umri  
wa miaka (19-20)

MJOMBA: Mwana himaya ya Mpapu, Mwenye umri wa miaka  
(26)

MKOGA: Mlinzi mkuu wa chief mgate na himaya nzima ya  
mpapu, mwenye umri wa miaka (27-30)

NGUKU: Mlinzi wa chief mgate na himaya ya Mpapu  
mwenye umri wa miaka (27)

NANGUBO: Mlinzi wa himaya ya Mpapu, mwenye umri wa  
Miaka (27)

## KITENDO CHA 1

### ONYESHO LA KWANZA

#### Muda: Mchana

*Maeneo ya mtaani, mazingira mazuri yenye kupendeza. kunaonekana kukiwa kimya hakuna mtu yeyote anae onekana akikatiza, inasika sauti ya mlio wa ngoma Ambayo inapigwa mara tatu Kisha sauti kubwa ya Mwanaume ikitokea nje ya jukwaa ikitangaza,*

**MWANAUME:** Lamgambo lamgambo. Wananchi wote wa himaya ya Mpapu mnahitajika uwanjani kwa chief mgate majira ya jioni, chief anajambo la kuzungumza nanyi.

*(Jukwani anapanda mwanaume aliyevaa kaoshi nyeupe pamoja na kitambaa cheupe amepakata Ngoma anaigonga mara tatu kwa nguvu akiendelea kutangaza huku akikatiza jukwaani kwa kuangalia Hadhira) Lamgambo, lamgambo wananchi wote wa himaya ya Mpapu mnahitajika uwanjani kwa chief majira ya jioni, chief mgate anajambo la kuzungumza nanyi. (Anamalizikia kushuka jukwaani huku sauti ya tangazo ikiendelea kutangaza)*

**(PAZIA)**

**(MWISHO WA ONYESHO LA KWANZA)**

### ONYESHO LA PILI

#### Muda: Jioni

*Nje ya nyumba ya chief mgate uwanja ukiwa umepambwa kwa maua na vitambaa mbalimbali, wananchi wakiingia kwa makundi wanawake wakionekana wamajifunga kanga kiunoni na vitambaa vyeusi eneo la kifuani, wanaume wamejifunga kaniki kiunoni na wakiwa vifua wazi. Wanafika uwanjani na kukaa chini kwa kupanga mistari huku wakiongea kwa sauti za chini, pembeni ya eneo hilo wanaonekana askari waliovaa kaoshi nyeupe pamoja na vitambaa vyeupe kiunoni.*

*Wakiwa wamesimama kwa ukakamavu mkubwa na kushikilia mikuki mikononi.*

*Inasikika sauti ya ngoma kisha kimya kinatawala, punde anatoka CHIEF MGATE, MALKIA CHESSE wakiambatana na BWANA HONERO. wakiwa wamependeza na mavazi yao yenye hadhi kubwa ya utawala. Wakionesha tabasamu kubwa baada ya kuona mahudhurio ya wana himaya.*

*Wanakaribishwa kwenye viti vyao wanakaa kasoro BWANA HONERO ambaye amevalia mavazi ya vitambaa vya rangi nyekundu, kichwani akiwa na kofia iliyozungushiwa manyoya ya ndege wa aina mbalimbali, Mkononi ameshikilia Usinga pamoja na kibuyu kilicho chorwa kwa wino wa rangi tofauti. Anawageukia wana himaya huku akionyesha sura ya tabasamu kiasi.*

**BWANA HONERO:** Himaya ya Mpapu

**WANAWAKE:** Ni hazina yetu

**WANAUME:** Daima Nitailinda.

**BWANA HONERO:** (Mwenye tabasam kwa sauti ya mamlaka) Naziona sura zenye maswali mengi sana mnajiuliza chief anataka kuzungumza nini siku ya leo, sasa basi bila kupoteza muda na bila kuwachosha vipenzi vya chief Acha nimkaribishe Aje Azungumze na ninyi (Anamuangalia CHIEF MGATE Anampatia ishara ya kumkaribisha, chief anasimama anasogea mbele kwa Tabasamu kiasi usoni mwake)

**CHIEF MGATE:** Himaya ya Mpapu!

**WANAWAKE:** Ni hazina yetu.

**WANAUME:** Daima Nitailinda.

**CHIEF MGATE:** kwanza nimefurahi sana, wana himaya wa Mpapu kukubali wito jioni ya leo. Nimewahita hapa kwa jambo moja tu, Nadhani mnakumbuka tukio lililotokea siku chache zilizopita kwa kudondoka kwa kitu cha ajabu kutokea angani ndani ya himaya yetu ya mpapu. Upande wa mashariki na niliwaomba wananchi wangu msisogeleee eneo lile mpaka pale uchunguzi utakapo kumalizika.

Leo ninayofuraha kwa kutangaza kuwa wananchi wote mnaruhusa kuendelea na shuhuli zenu katika maeneo ya bondeni, (Wananchi wanashangilia kwa furaha kubwa). Hii ni baada ya uchunguzi maalumu kukamilika kwa wachunguzi wangu wakiongozwa na Mganga mkuu wa Himaya ambaye ni (anaelekeza mkono wake aliposimama

*BWANA HONERO, Wananchi wote wanajibu kwa sauti kubwa iliyojaa nderemo)*

**WANANCHI:** Bwana honeroooo!

**CHIEF MGATE:** Wamechunguza kwa juhudi zote na kugundua kuwa kile kitu cha ajabu kilichodondoka kutoka angani ni kimondo na hakina madhara yeyote, mnaruhusiwa hata kukigusa kabisa. *(Wananchi wanashangilia wengine wanacheka) hii kwangu naona kama ni neema ndani ya himaya yetu ya mpapu.*

*inadhihirisha ni jinsi gani mizimu inaendelea kutukumbuka mara zote. Naamini mizimu ya mababu na mababu ya himaya ya Mpapu bado inafanya kazi yake iliyotukuka maana wao waliweza kulinda vyema ardhi ya mpapu kabla ya kukabidhiwa kijiti mimi chief mgate.*

*kama nilivyotoa ahadi nitaendelea kuiongoza na kuilinda kwa nguvu zangu zote ardhi ya mpapu kama njia ya kuwaenzi na kuwaaminisha wakubwa zangu waliopita kuwa himaya ya Mpapu ipo salama na hawajakosea kumkabidhi Shujaa. sio mwingine bali ni.*

**WANANCHI:** *(kwa shangwe kubwa) Chief mgate.!*

*(CHIEF MGATE anaganda na kujishika juu ya eneo lake la kifua kama mwenye maumivu fulani, wananchi wanashangaa huku minong'ono ikitawala)*

**MALKIA CHESSE:** *(Kwa sauti kali ya mamlaka) Mkoga unasubiri nini.? (MKOGA ambae ni mlinzi anamkimbilia CHIEF MGATE, Anamshika na kuanza kumsogeza Taratibu. CHIEF MGATE anagoma kutembea kisha anatoa mikono ya MKOGA)*

**CHIEF MGATE:** Usijali nipo sawa ondoeni shaka *(Anatazamana na BWANA HONERO kisha anamsogela kumwambia jambo fulani bila wengine kusikia, BWANA HONERO Anaonekana kuwaza kidogo huku akitingisha kichwa kama mwenye kukumbuka au kujuwa jambo fulani).* Himaya ya Mpapu

**WANAWAKE:** Ni hazina yetu

**WANAUME:** Daima Nitailinda

**CHIEF MGATE:** Himaya yetu ipo salama na mizimu Imetudondoshea Zawadi, Napenda kutangaza kuwa leo ni siku ya kula, Kunywa na kucheza kwa kusherehekea na kudumisha Amani ndani ya himaya yetu ya Mpapu

*(Wananchi wanashangilia, Anaingia mlinzi CHUNGULA, akiwa anahema kwa kutweta huku jasho jingi likitawala eneo la mwili wake, wote wanamshangaa kwa makini kutaka kujuwa nini kimetokea, MALKIA CHESSE Anainuka haraka kwenye kiti chake na kumfuata CHUNGULA)*

**MALKIA CHESSE:** Kuna shida gani?

**CHUNGULA:** kuna ujio wa watu wasio wa kawaida Wameingia kutokea upande wa kaskazini wanakuja upande huu *(wote wanashangaa na kutazamana kwa sekunde chache)*.

**MALKIA CHESSE:** Ambao sio wa kawaida.?

**CHIEF MGATE:** Chungula, mkoga na Nguku Andaeni jeshi lenu Mniletee hao watu *(CHUNGULA, NGUKU na NANGUBO wanatoka haraka, CHIEF MGATE Anamuangalia BWANA HONERO)* Hili swala uliliona katika ramli zako.?

**BWANA HONERO:** Chief nitakueleza baadae kuhusu hili jambo. *(Chungula, nguku na nangubo wanaingia jukwaani wakiwa wamewashikilia wanaume watatu ambao wawili ni wazungu JUSTIN Na CHRISTOPHER na mmoja ni mwenye Asili ya kiafrika ZAKALIA Wamevaa suti nadhifu wameshikilia mabegi yao nadhifu wote wakiwashangaa)*

**CHIEF MGATE:** Nyie ni akina nani.?

**ZAKALIA:** *(Anamtazama chief, Anawatazama wananchi kisha anarudi kwa chief anaonekana hana wasiwasi wowote)* Bilashaka wewe ni kiongozi wa hili eneo.?

**CHIEF MGATE:** *(Anamtazama kwa hasira)* Bado haujajibu swali.

**ZAKALIA:** Sisi ni watu wema Tumekuja hapa kwa Research maalum Kuhusu maswala ya kijiografia na mazingira. kuhusiana na chombo kilichoanguka eneo hili kwa kutokea angani siku kadhaa zilizopita.

**MALKIA CHESSE:** eti nini.? *(CHIEF MGATE ananyoosha mkono juu kuashiria MALKIA CHESSE akae kimya)*

**CHIEF MGATE:** Nani aliye waruhusu ninyi kuingia.?

**JUSTIN:** Hey zakalia what is he talking about.?

**ZAKALIA:** Relax I make it clear

**CHIEF MGATE:** sitohitaji kufanya baya lolote juu yenu hasa juu yako (Anamnyooshea kidole zakalia) Nataka muondoke mara moja ndani ya himaya hii.

**CHRISTOPHER:** Zakalia what is going on

**ZAKALIA:** (Kwa *CHIEF MGATE*) Hapana, hatuwezi kuondoka bila kufananikisha jambo lililotuleta huku juu ya kifaa kilichoanguka kutoka Angani tupo hapa kwa kazi maalum.

**CHIEF MGATE:** (Anamsogelea *ZAKALIA*) Mna thubutu vipi kufuatilia jambo lisilo lenu.?

**ZAKALIA:** jambo lisilo letu.?

**CHIEF MGATE:** (*BWANA HONERO* Anamsogelea na kumpooza asiendelee kuchukia zaidi, Chief anaonekana kuchukizwa) Hiko kitu mlichogundua kimedondoka hapa kama kingewahusu basi kingedondokea maeneo yenu. (Anaonekana kuwa hayupo sawa kwa kushika eneo lake la kifua huku akifuata kiti kilipo)

**ZAKALIA:** (Anawageukia hadhira) Et hivi mnamuelewa huyu kiongozi wenu. (chief ana nyoosha fimbo yake kwa zalalia, Anaye anguka chini huku anatetemeka wenzake wanamshangaa)

**BWANA HONERO:** (kwa hasira) Kimyaa.! Chunga sana kauli zako shukuru sana mpaka sasa upo hai

**ZAKALIA:** (huku akitabasamu) Tutaondoka baada ya kufanikisha hili swala, Maana kwetu ni jambo la msingi sana.

**CHIEF MGATE:** (Akiwa amechukia zaidi) Mkoga ondoeni hao watu haraka sana

(Anakohoa mfururizo kisha anaanguka chini walinzi wote wanamuwahi na kumuingiza ndani wakifuatiwa na *MALKIA CHESSE* pamoja na *BWANA HONERO*, *ZAKALIA* na wananchi wengine wanabaki wakishagaa hawajuwi wafanye nini. Anatoka *MALKIA CHESSE* anasimama mbele ya wana himaya ambao kwasasa wamezidisha minong'ono kati yao)

**MALKIA CHESSE:** Himaya ya Mpapu

**WANAWAKE:** Ni hazina yetu

**WANAUME:** Nitailinda

**MALKIA CHESSE:** Nawaamuru mtawanyike mpaka CHIEF atakapo toa kauli mara nyingine (wananchi wanainuka na kuanza kutawanyika

*kona mbalimbali wanabaki Wageni watatu ZAKALIA na wenzake. Anatoka BWANA HONERO anamfuata MALKIA CHESSE wanaonekana kuzungumza mambo fulani upesi upesi bila kutoa sauti kubwa, ZAKALIA akiwaangalia kwa makini anaamua kuwasogelea na kuwasikiliza akionekana kugundua kitu)*

**ZAKALIA:** Ni tatizo la muda mrefu sana.? (*BWANA HONERO na MALKIA CHESSE wanaganda kumuangalia kwa sekunde kadhaa*)

**MALKIA CHESSE:** Ndio

**ZAKALIA:** Ahh. Kuhusu huo ugonjwa yule bwana pale Ni daktari bingwa wa magonjwa ya moyo, (*Anamfuata JUSTIN,*) Their leader is very sick, He suffered from Heart disease for the long time, They need your help

**JUSTIN:** (*Kwa kusesitiza*) No I can't.

**ZAKALIA:** Why

**JUSTIN:** I can't help someone who ignores us.

**ZAKALIA:** when you help him, he can change and decide to understand us, This is our chance (*JUSTIN anatazama chini kwa sekunde kadhaa kisha anamuangalia ZAKALIA*)

**JUSTIN:** ok, let's do it. (*ZAKALIA anasogea waliposimama BWANA HONERO pamoja na MALKIA CHESSE*)

**ZAKALIA:** Justin amekubali Twendeni. (*Wote wanaingia ndani*)

**(GIZA)**

**(MWISHO WA ONYESHO LA PILI)**



## KITENDO CHA 2

### ONYESHO LA TATU

**Muda: Asubuhi**

*Nyumbani kwa mama Zubeda, MAMA ZUBEDA akiwa nje anaanika nguo kwenye kamba, anaingia ZUBEDA aliyebeba ndoo yenye maji, anaishusha chini taratibu.*

**MAMA ZUBEDA:** (Akiwa bize na uanikaji wa nguo) Huko kisimani sikuizi wanagawa chakula.?

**ZUBEDA:** Kwanini mama

**MAMA ZUBEDA:** (Anamuangalia ZUBEDA) Kisimani masaa mawili

**ZUBEDA:** (Anacheka kidogo) mama bwana. Kwanza umenikumbusha. kuna jambo nilikuwa nalifikilia sana kichwani

**MAMA ZUBEDA:** jambo gani.?

**ZUBEDA:** Et kwanini jana Chief aliwakataa wale Mabwana

**MAMA ZUBEDA:** Mgate ni kiongozi mwenye akili ana jicho lakuona mbali sana.

**ZUBEDA:** mhh. lakini wanaonekana wana akili nyingi na wenye kujiamini sana.

**MAMA ZUBEDA:** siamini kama wana akili nyingi kumzidi chief, yeye huchukia sana watu wa jamii ile

**ZUBEDA:** watu wa jamii ile.? Kwanini

**MAMA ZUBEDA:** ni watu wabaguzi, wenye roho mbaya na waliojaa Tamaa, Chief Alipo kabidhiwa uongozi Aliahidi kuilinda himaya kwa nguvu zote, na hayupo tayari kuona Himaya inateketea ikiwa mkononi mwake.

**ZUBEDA:** chief alijuwaje yote hayo?

**MAMA ZUBEDA:** Yeye ni mkubwa na ni wakwanza kuliona jua, unajuwa mwanangu eneo lolote likiwa na matabaka lazima kutakuwa na asilimia kubwa sana ya kupoteza Amani.

**ZUBEDA:** kwahivyo, ndiyo maana Yule mtu mweusi aliweza kuongea na chief kwa kipindi kirefu bila ya kuamuru Adhabu kali juu yake?

**MAMA ZUBEDA:** nayo ni sababu lakini kipindi cha nyuma himaya za jirani ziliteketea na kupoteza mali nyingi sana, yote ni kwa sababu ya uwepo wa hawa watu wa jamii ile.

(Anaingia mjomba akiwa kabeba jembe begani huku anatafuna kipande cha muhogo. Anafika jirani na ZUBEDA analiweka jembe chini)

**ZUBEDA:** shikamoo mjomba

**MJOMBA:** marahaba. *(kwa mama zubeda)* Dada vipi kwema

**MAMA ZUBEDA:** kwema tu vipi shambani huko. *(zubeda anachukua ndoo ya maji anaingia nayo ndani)*

**MJOMBA:** zubeda niletee maji ya kunywa *(kwa MAMA ZUBEDA)* ahh. mazao yapo vizuri Mjiandae kuvuna tu msimu huu. *(wanacheka, MAMA ZUBEDA anaangalia pande zote kwa makini kwa kuangalia usalama)*

**MAMA ZUBEDA:** *(Kwa sauti ya kuteta)* vipi kuhusu hali ya chief?

**MJOMBA:** Dada kumbe waswahili walivyosema usijaji kitabu kwa gamba lake la nje hawakukosea kabisa.

**MAMA ZUBEDA:** Una maanisha nini.?

**MJOMBA:** Haujawahi sikia usitukane mamba kabla hujavuka mto

**MAMA ZUBEDA:** Nimesikia yote hayo sasa inahusiana vipi na Nilicho kuuliza. *(ZUBEDA anatoka ndani akiwa na kikombe cha maji mkononi anampatia MJOMBA, anapokea kisha anakunywa kidogo)*

**MJOMBA:** Wale wageni ambao chief aliwakataa ndio hao wanao msaidia na kumuweka katika hali nzuri

**ZUBEDA:** Chief Amwezaje kukubali yote hayo.?

**MAMA ZUBEDA:** Zubeda.! *(Wanaangaliana)* nenda ndani *(zubeda anaingia ndani mama zubeda anamsogelea MJOMBA)*

**MJOMBA:** Yule mmoja ni Daktari bingwa wa magonjwa mbalimbali ikiwemo ule unaomsumbua chief kwa kipindi kirefu, unadhani chief ataweka wapi sura yake.

**MAMA ZUBEDA:** Hata ivyo bado hatoweza kuwakubali wale watu, sio wema kwenye himaya yetu, Unafahamu fika Himaya yetu Tangu mababu walisimama kupambana na wageni wote wakiamini ni wavuruga Amani na waliojaa Tamaa. Wale watu hawana wema kabisa mdogo wangu.

**MJOMBA:** *(kwa sauti ya juu)* hawana wema.?! Dada unazungumza ujinga gani? Sio wema wangeweza kumsaidia mtu ambaye aliwakataa mbele yetu? ulitaka wafanye wema upi.?

**MAMA ZUBEDA:** *(Anamuangalia MJOMBA kwa jicho la hasira)* Naona umekuwa sasa, Nyumbani kwangu sitaki kelele za ujinga wako huo, nenda kwako *(MJOMBA anachukua jembe lake anaondoka, Mama zubeda akimsindikiza kwa macho ya hasira kiasi fulani, zubeda anatoka ndani anakutana na mama yake)*

**ZUBEDA:** mjomba ameshaondoka.?

**MAMA ZUBEDA:** ndio. Nikukute hapa hapa, naenda kwa Mama mauwa mara moja.

**ZUBEDA:** sawa mama *(Anachukua kikombe cha maji kilichochini anaingia ndani mama yake anatoka jukwaani)*

**(GIZA)**

**(MWISHO WA ONYESHO LA TATU)**

## **ONYESHO LA NNE**

**Muda: Mchana**

*Nyumbani kwa CHIEF MGATE ZAKALIA, JUSTIN pamoja na CHRISTOPHER, wanatoka ndani huku wakiwa wanacheka, wanafika nje CHRISTOPHER anakaa kwenye kiti ZAKALIA na JUSTIN wanasimama, wakiwa na vipande vya mikate mikononi mwao.*

**JUSTIN:** This Area have Good environment and fresh Air

**CHRISTOPHER:** Also it seemes to have a fertile soil,

**JUSTIN:** This is very potential Area, but i wonder they don't know how to use it.

**CHRISTOPHER:** If we get opportunity to rule this ares, we're going to invest more capital and to get more profits.

**ZAKALIA:** Yes is true, This is very blessed land, we supposed to talk to rulers of this land.

*(Anaingia NANGUBO Akiwa ameshikilia mkuki anaelekea mlango mkuu wote wanamtazama Anawakaribia)*

**NANGUBO:** Himaya ya Mpapu (wote kimya, ZAKALIA anamsogelea anajaribu kumpatia mkate NANGUBO anakataa)

**ZAKALIA:** Wewe ndio nani hapa kijijini

**NANGUBO:** Ni Askari wa Himaya ya Mpapu

**ZAKALIA:** oh. ( Anamuangalia kwa dharau, Anamgeukia CHRISTOPHER), Security with Arrow (Wanacheka, CHRISTOPHER anainuka anatoa Bastola kiunoni kwake anampatia NANGUBO ambaye anaitazama kwa makini kisha anaikataa)

**JUSTIN:** you are supposed to carry a gun but not trees.

*(wanacheka kasoro NANGUBO, JUSTIN anaangalia pembeni anagundua kuna kitu cha tofauti anasogelea anaokota kipande cha jiwe lenye muonekano wa kumelemeta, Anawaonesha wenzake)*

**ZAKALIA:** Nini dhahabu.? *(wanaishika kwa makini na kuitazama kwa kuielekeza juu huku wanafumba jicho moja wakiendelea kupasiana mikononi)*

**NANGUBO:** kumbe hata ninyi ni washamba tu. (wanaacha kuangalia jiwe, wanamtazama)

**ZAKALIA:** kwa nini?

**NANGUBO:** Hamuoni mnavyo shangaa kitu cha kipuuzi?

**ZAKALIA:** (Anazidi kumtazama na kumsogelea taratibu) Je huku kwenu zipo nyingi.?

**NANGUBO:** Ndio lakini... *(Anaingia CHIEF MGATE, kutoka ndani)*

**CHIEF MGATE:** Nangubo, chesse yupo wapi?

**NANGUBO:** Alielekea kusalimia ndugu zake

**CHIEF MGATE:** sawa

**ZAKALIA:** Kiongozi vipi hali yako kwa sasa

**CHIEF MGATE:** (haonyeshi shauku) naendelea kuwa sawa

**ZAKALIA:** Nafurahi kusikia hivyo kiongozi jasiri Aliyezungukwa na utajiri mkubwa. (*Anawaangalia wenzake wanapeana ishara fulani wakati huo CHIEF MGATE anageuka kuelekea ndani*). Tunaweza kuongea kidogo.

**CHIEF MGATE:** Kuhusu nini?

**ZAKALIA:** kuhusu maendeleo ya himaya yako, mimi na Timu yangu tumependa sana Himaya yako, tuna tamani kuifanya kuwa himaya kubwa zaidi

**CHIEF MGATE:** (kwa kudhihaki) Nimependa mawazo yako, Mimi na watu wangu hatupendi maendeleo makubwa. Tunapenda Amani, furaha na upendo

**CHRISTOPHER:** Your Kingdom, have lots of minerals so you.!

**CHIEF MGATE:** kesho asubuhi sitaki kuwaona ndani ya Ardhi yangu.

**ZAKALIA:** Kiongozi hupaswi kusema hivyo, umesahau kuwa bado unatuhitaji.

**CHIEF MGATE:** (kwa msisitizo) sipo tayari kuona Ardhi yangu inapotea katika mikono yangu.

(Anaingia MALKIA CHESSE pamoja na wasaidizi wake)

**MALKIA CHESSE:** Mkoga nini kinaendelea? (*Anafika karibu zaidi*) mgate unapaswa kukumbuka kuwa unahali gani kwa sasa

**ZAKALIA:** Ondoa shaka malkia.

**MALKIA CHESSE:** haupaswi kunijibu (kwa mgate) unapaswa kupumzika subiri hali iwe vizuri zaidi

**CHIEF MGATE:** usijali mke wangu, vipi wazee wanaendeleaje (*ZAKALIA anaingia ndani*)

**MALKIA CHESSE:** wanaendelea vizuri sana, chief nafikiri upate muda wa kupumzika zaidi. (*Chief mgate anaingia ndani anatoka ZAKALIA akiwa amebeba begi dogo anatoa zawadi ya kanga nzuri na*

*kumpatia MALKIA CHESSE, anaipokea huku akishangaa kwa furaha kiasi).*

**ZAKALIA:** malkia tumeona tukupe zawadi hii kutoka mjini (*Malkia akiitazama zaidi*)

**MALKIA CHESSE:** Ni nzuri sana, huko kwenu ni pazuri sana?

**ZAKALIA:** ndiyo, pia zipo nyingi sana, hata ukitaka zaidi waweza zipata, je waweza tenga muda tuongee kwa kirefu Zaidi (*MALKIA anawaza kidogo kisha wanainuka nakutoka jukwaani kuelekea upande wa pili, zakalia anawaangalia wakina Justin kasha wanaenda alipo elekea Malkia*)

**(GIZA)**

**(MWISHO WA ONYESHO LA NNE)**

#### **ONYESHO LA TANO**

**Muda: Mchana**

*Nyumbani kwa MAMA ABAJU, Mama wa malkia chesse. MWAMINI anatoka ndani akimkimbiza ABAJU, wanafika jukwaani MWAMINI anajaribu kumshika ABAJU lakini anamkosa MWAMINI anabaki amesimama jukwaani akiangalia alipokimbilia ABAJU.*

**MWAMINI:** Mama nitamuumiza huyu mwanao. (Inasikika sauti ya MAMA ABAJU ikitokea ndani)

**MAMA ABAJU:** Muumize labda utafurahi

**MWAMINI:** Mara zote umekuwa ukimtetea kwa ukorofi wake (Mama anatoka ndani akiwa kavalia vizuri.

**MAMA ABAJU:** Naenda kumuangalia chief, Yale matatizo yamemrudia tena, Nadhani jana ulimsikia dada yako chesse. (*Anashuka jukwaani, Anaingia MALKIA CHESSE pamoja na msaidizi wake upande wa pili*)

**MWAMINI:** jaman dada leo umependeza, Mama Dada chesse amekuja  
(*Anakimbia kwenda kumuita mama yake wanarudi wote*)

**MAMA ABAJU:** wewe hizo nguo umetoa wapi.?

**MALKIA CHESSE:** Ni zawadi kutoka kwa wageni.

**MAMA ABAJU:** wageni.?! Hao uliosema wamekataliwa na chief?

**MALKIA CHESSE:** Ndio, kumbe wale ni watu wema sana, sio kama tulivyodhani

**MAMA ABAJU:** watu wema.?

**MALKIA CHESSE:** Ndio. Siunaona mpaka wamenipatia zawadi nzuri hivi, Na wameahidi vyengine vingi.

**MAMA ABAJU:** Hapana, siungani na wewe kabisa, kwanini hauna mawazo mwanangu

(*Anaingia CHIEF MGATE, MKOGA, Na NGUKU, wakimshangaa MALKIA CHESSE*)

**MAMA ABAJU:** karibu sana chief (Anatafuta kiti upesi Anajaribu kumpatia chief aliye endelea kusimama)

**CHIEF MGATE:** Ahsnate mama (kwa MALKIA CHESSE) hayo mavazi umetoa wapi

**MALKIA CHESSE:** Ni zawadi kutoka kwa wageni

**CHIEF MGATE:** Zawadi

**MALKIA CHESSE:** mume wangu, wale watu sio kama tunavyowafikilia ni watu wema

**CHIEF MGATE:** (Anamsogelea zaidi) mvuvi anapoweka chakula kizuri kwenye ndoano kwa sababu ya samaki, unadhani ni mwema kwao.?

**MALKIA CHESSE:** Hapana, lakini sisi sio samaki

**CHIEF MGATE:** Kinacho angusha mti sio shoka bali ni kipande cha mti kilichoamua kuungana na shoka, Chesse sitaki kukuona karibu na wale watu kabla sijafanya maamuzi makubwa, Jana nilisikia habari zako kuwa mlitoka na kuelekea nje yamji. Angalia usije jutia maamuzi. Fikiri kabla ya kutenda.  
(*Anaondoka jukwaani akifuatiwa na walinzi wake*)

**MAMA ABAJU:** Nilikuambia mwanangu, Himaya yetu haina mahusiano mazuri na watu wa ngozi ya papai, toka enzi na enzi.

**MALKIA CHESSE:** (kwa uchungu) sisi bado tupo gizani mama, Tunahitaji kuelimishwa zaidi, Tunakosa mambo mazuri kwa kuendekeza imani za ovyo.

*(MALKIA CHESSE anatoka kwa hasira pamoja na msaidizi wake, Mama chesse anamshangaa)*

**MAMA CHESSE:** Ni shetani gani amemuvingia huyu motto (*Anaingia ndani*)

**(GIZA)**

**(MWISHO WA ONYESHO LA TANO)**

### **TENDO LA 3**

#### **ONYESHO LA SITA**

**muda: mchana**

*Nyumbani wa chief Mgate, ZAKALIA anatoka ndani akionyesha hayupo sawa na hakubaliani na jambo Fulani, punde anafuatiwa na Justin ambae anajaribu kumuita.*

**JUSTIN:** (kwa namna ya kumshawishi) we are trying to arrange our plans

**ZAKALIA:** hiyo sio mipango, bado ni mapema sana, tunaweza sababisha matatizo makubwa.

**JUSTIN:** (*Anajaribu kuongea Kiswahili kwa lafudhi ya kizungu*) matatizo gani? Sisi tuna nguvu kubwa hakuna ataaye tuweza hapa



**ZAKALIA:** kumbuka hata hii ni ngome, wana uongozi na mipango yao pia, tunapaswa kuendelea kuchunguza mpaka tutakapo jiridhisha na sio kukimbilia kumuua.

**JUSTIN:** *(Anamtazama kama mwenye kukubakiana nae)* nadhani umesema ukweli, tuangalie misimamo yao kwanza kabla ya kupindua uongozi wao

*(MALKIA CHESSE, anaingia kwa hasira akiita)*

**MALKIA CHESSE:** Zakalia, we zakalia *(Anawaona ZAKALIA na JUSTIN)*. Nataka uniambie, mna malengo gani na sisi *(Wanakaa kimya wanatazamana)* Nataka unijibu

**ZAKALIA:** Mambo yote tulishaongea jana, Chesse unataka nini cha ziada

**MALKIA CHESSE:** hawataki kuelewa chochote kuhusu maendeleo, sasa nataka mtuache mrudi mlipotoka kama chief alivyowaamuru.

**ZAKALIA:** *(anashangaa kiasi)* wewe ndie mtu pekee ambaye tumeona unaweza kusimama na kutetea wengine, Chesse himaya yenu inaneema na utajiri mkubwa. Tunaona huruma Himaya kama hii bado inamaendeleo Duni. Unapaswa kukubali Na kutuunga mkono, *(MALKIA anaonekana kukaa kimya kwa sekunde chache)*

**MALKIA CHESSE:** Una uhakika Himaya itaendelea kuwa salama.?

**ZAKALIA:** Tuamini sisi himaya hii itakuwa miongoni mwa himaya Bora sana, hata chief Atarudi kwenye afya njema.

**MALKIA CHESSE:** lakini mume wangu hayupo tayari kusikia chochote kuhusu hizi habari *(wanatoka JUSTIN na CHRISTOPHER wakimsogelea ZAKALIA anayeongea na MALKIA CHESSE kwa ukaribu)*

**ZAKALIA:** mumeo hali yake ya afya bado haikutengemaa vizuri, Ndiyo maana tunakushirikisha wewe malkia muelewetu.

**MALKIA CHESSE:** Sawa nitaendelea kumshawishi lakini....!

*(Anatokea CHIEF MGATE akiwa na walinzi wake, akionyesha sura ya hasira akimuangalia CHESSE, huku anamsogelea taratibu.)*

**CHIEF MGATE:** chesse umepatwa na nini?

**MALKIA CHESSE:** Hapana mgate, zakalia na wenzake wana mipango mizuri juu ya Himaya yako tukufu

**CHIEF MGATE:** (kwa hasira) mipango mizuri? Mipango gani mizuri? Mwenye mamlaka ya kupanga mambo kuhusu Ardhi ya Mpapu ni Chief mgate pekee na watu wake, hawa ni akina nani ndani ya himaya hii.?

**MALKIA CHESSE:** Hapana mgate jaribu kuzungumza nao, nadhani utawaelewa. (Mgate anampiga kofi MALKIA CHESSE, wote wana angaliana kwa hasira, MGATE anawapa ishara askari wake)

**CHIEF MGATE:** wapelekeni kwenye uwanja wa giza, kesho asubuhi Nitahakikisha Nawapa adhabu waliyoitaka.

(Askari wanawasogelea Akina ZAKALIA na wenzake, CHRISTOPHER anachomoa bastora na kumfyatulia NANGUBO pamoja na NGUKU, wanaanguka chini, kimya kinatawala wanaangaliana, JUSTIN anamfuata CHIEF MGATE, chief ana nyoosha fimbo yake juu wote wanaanguka, wanatetemeka, chief akiwa amesimama anaonekana kama mwenye shida kwa kushika eneo lake la kifua kisha anadondoka chini anaangusha fimbo yake. CHRISTOPHER anamuwahi na kumdhibiti kwa kumnyooshea bastora wanamvuta kwa kumuingizaza ndani)

**ZAKALIA:** Kama hamkutaka kutuelewa kwa maneno basi mtatuelewa kwa vitendo. (wanaingia ndani zakalia akimshikilia MKOGA aliye jeruhiwa kwa risasi eneo lake la ubavuni)

**(GIZA)**

**(MWISHO WA ONYESHO LA SITA)**

## **ONYESHO LA SABA**

### **Muda: Asubuhi**

Nje ya nyumba ya chief ZAKALIA anatoka ndani akiwa na CHRISTOPHER pamoja na JUSTIN aliye shikilia vichupa kadhaa vya dawa, wakiwa katika majadiliano Fulani

**JUSTIN:** Hatupaswi kungoja tumalize kabla hajaamka. Tutamuweka ndani mpaka lini?

**ZAKALIA:** Hapana kuna siri anapaswa kutuambia kwanza, mmesahau maneno ya chesse?

**CHRISTOPHER:** Hayo mambo ya siri kuendelea kujuwa siri yatatucheleweshwa, mbona hata hivi tunavyoviona vinatosha.

**JUSTINE:** Umefika wakati wa kukujitangaza sasa. Sio jambo la kusubiri (*wanaingia ndani*)

**(GIZA)**

**(MWISHO WA ONYESHO LA SABA)**

#### **ONYESHO LA NANE**

**Muda: jioni**

*Nje ya nyumba ya CHIEF MGATE, kwenye uwanja mkubwa wa mikutano wanaonekana wananchi mbalimbali wakiingia na kujipanga huku minong'ono ikiendelea kati yao. Pembeni kuna walinzi wachache wamesimama, Punde anatoka CHRISTOPHER, JUSTIN na ZAKALIA, Wakisindikizwa na MALKIA CHESSE, wakisimama mbele ya wanahimaya.*

**ZAKALIA:** Himaya ya Mpapu.

**WANAWAKE:** NI Hazina yetu

**WANAUME:** Daima Nitailinda.

**ZAKALIA:** Tunashukuru sana kwa ujio wenu mahala hapa, Nadhani wote mnafahamu juu ya maradhi yanayomsumbua Chief mgate kwa kipindi kirefu. Chief alipenda sana kuzungumza nanyi siku ya

leo lakini hali yake sio nzuri hivyo ameona vyema kutuchagua sisi tuje kumuwakilisha kwenye kikao hiki.

**MWANANCHI:** (Anasimama) kwa utaratibu wa himaya ya Mpapu, endapo chief hayupo sawa basi Malkia husimama na kuzungumza kwa niaba yake. ( minong'ono inatawala, ZAKALIA na MALKIA CHESSE wanatazamana bila majibu)

**ZAKALIA:** Hilo tulilijuwa vyema na ndio maana malkia yupo hapa, lakini nayeye ameona kutupa kibari cha kuzungumza nanyi kama watu wema. Na jambo kubwa lililotukutanisha hapa nikuhusu mabadiliko ndani ya utawala wa himaya. (Wananchi wanazungumza chinichini) kutokana na hali ya afya ya kiongozi mgate, yeye amemteua Bwana Christopher kuwa kiongozi mkuu wa himaya ya Mpapu, akifuatiwa na Bwana Justine. Haya mabadiliko mpaka atakaporudi katika Afya yake ya kawaida. (Wananchi wanaonyesha kutokubaliana na jambo hilo)

**MALKIA CHESSE:** himaya ya Mpapu. (Wachache wanajibu) chief mgate anawasalimu na anawapenda sana.

**MWANANCHI:** Uongo, Tunataka ukweli, (wanaanza fujo, JUSTIN anafyatua bastora juu wananchi wanakimbia, wanabaki wenyewe wanaangaliana wanacheka huku wakiingia ndani.)

**(GIZA)**

**(MWISHO WA ONYESHO LA NANE)**

## **ONYESHO LA TISA**

**Muda: Mchana**

*Katika eneo la siri, BWANA HONERO, anaingia akifuatiwa na vijana kadhaa wa himaya, anawaamuru wapige magoti. BWANA HONERO anatoa kitambaa cheupe katika mkoba wake kisha anakitandika chini mbele ya vijana, kisha anatoa jiwe dogo mithiri ya*

*kipande cha malumalu anakirusha juu kinadondokea juu ya kitambaa cheupe. BWANA HONERO anaangalia kwa makini, anatingisha kichwa kuonyesha amegundua jambo fulani.*

**BWANA HONERO:** Huu ni mpango.

**KIJANA 1:** Mpango wa nini Bwana Honero.?

**BWANA HONERO:** Chief mgate, yupo salama Afya yake ipo safi kwasasa. (Anaokota jiwe anarudia kurusha tena, anaangalia kwa makini) oh.. chesse, Tamaa za Chesse, zinatuangamiza.

**KIJANA 2:** Inamana haya yote yanasababishwa na chesse.?

**BWANA HONERO:** Ndio namuona chesse ndio sababu ya yote haya. (Anaendelea kugeuza jiwe lilikuwa juu ya kitambaa cheupe, anaendelea kutingisha kichwa) wanapanga kuchukua Madini na mali nyingine wazipeleke mbali na hapa.

**KIJANA 3:** Kwanini afanye yote hayo.?

**BWANA HONERO:** (Anamuangalia) Tamaa. Tunatakiwa kufanya jambo haraka, kabla himaya haijapotea mazima tukapoteza hazina zote, Tukaonekana tumeshindwa kuilinda himaya tukufu.

**KIJANA 2:** Tufanye jambo.? Jambo gani tutalifanya mbele ya wale watu wenye siraha kali.?

**BWANA HONERO:** Acha ufara, mjinga mmoja we.! Lazima tukamuokoe chief mgate, na lazima tukamkamate malkia chesse, Na apewe adhabu kari kwa kuleta mkosi mkubwa Ndani ya Himaya yetu.

**KIJANA 1:** tutawezaje yote hayo.?

**BWANA HONERO:** Twendeni mkaongeze kikosi, nitawapatia mbinu ya kuingia. (wanainuka na kutoka jukwaani)

**(GIZA)**

**(MWISHO WA ONYESHO LA TISA)**

**ONYESHO LA KUMI**

**Muda: Jioni**

*Nyumbani kwa mgate, Anaonekana MALKIA CHESSE anatoka ndani Amevalia mavazi mazuri yenye rangi za kupendeza, anaenda kukaa kwenye kiti chake akifuatiwa na CHRISTOPHER wanakaa eneo moja huku wakishikana mikono na kuchekeleana.*

*Mlangoni anatoka JUSTIN na ZAKALIA akiwa na mabegi mawili, Anamuangalia CHRISTOPHER aliyekaa kwenye kiti jirani na CHESSE wanapeana ishara fulani kupitia mikono yao.*

**ZAKALIA:** (Kwa CHESSE) Malkia acha sisi tuwahi tukapige pesa uje ufurahie mizawadi. (Ghafla wanatokea vijana kadhaa wanavamia na kuwarukia akina CHRISTOPHER, wanataka kutoa bastora wanakuwa wamechelewa. Wanashikwa na kubanwa vizuri kwa kulazwa chini.

Anaingia BWANA HONERO anaelekea ndani punde anatoka na CHIEF MGATE anayeonyesha kuwa mwenye hasira anamfuata CHESSE na kutaka kumpiga lakini BWANA HONERO anamzuia.

**CHIEF MGATE:** mwanamke mshenzi sana huyu, Ona ameniweka doa ndani ya himaya yangu.

**BWANA HONERO:** usijari, utampa adhabu yeyote uitakayo, wewe ndio chief wa himaya, ulichaguliwa na mizimu ya Ardhi hii una mamlaka yote.

**MALKIA CHESSE:** mume wangu chief mgate, mimi sina makosa

**CHIEF MGATE:** Walinzi chukueni hao wote muwapeleke kwenye uwanja wa hukumu, kesho asubuhi watanyongwa Hadharani mbele ya wanahimaya wote (walinzi wanawapeleka kwa kutoka nao juu ya jukwaa MALKIA CHESSE bado akiendelea kulia huku anapelekwa)

**MALKIA CHESSE:** mume wangu mgate nisamehe usininyongee.!!

**(GIZA)**

**(MWISHO WA ONYESHO LA KUMI)**

**MWISHO**

